

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» հոկտեմբերի 2013թ.

N---Ա

ՈՐՈՇՈՒՄ

ԱՅԳԻ ԲԱՐԵԿԱՐԳԵԼՈՒ ԵՎ ԿԱՆԱՉԱՊԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 594-րդ, 597-րդ հոդվածների, «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 33-րդ կետի և «Տեղական ինքնակառավարման մասին» Հայաստանի Հանրապետության օրենքի 3-րդ հոդվածի, 9-րդ հոդվածի 1-ին կետի և 11-րդ հոդվածի 5-րդ մասի պահանջներով՝

Երևան քաղաքի ավագանին որոշում է.

1. Հավանություն տալ Երևան քաղաքի ավագանու «Հանրապետական կուսակցություն» խմբակցության անդամ Հ. Թոքմաջյանի առաջարկությանը՝ Երևան քաղաքի Նոր Նորք վարչական շրջանի Գայի պողոտայի և Ջրաշխարհի հարևանությամբ տեղակայված զբոսայգու (այսուհետ՝ այգի) մասը՝ 5.637 հա մակերեսով (հատակագիծը կցվում է) բարեկարգելու և կանաչապատելու վերաբերյալ:

2. Երևան քաղաքի ավագանու «Հանրապետական կուսակցություն» խմբակցության անդամ Հ. Թոքմաջյանի առաջարկության համաձայն մշակվող բարեկարգման և կանաչապատման նախագծա-նախահաշվային փաստաթղթերն ընդունել որպես նվեր:

3. Առաջարկել Երևանի քաղաքապետին՝ Հայաստանի Հանրապետության օրենսդրությամբ սահմանված կարգով ընդունել սույն որոշման 2-րդ կետում նշված նվերը և նվերն ընդունելուց հետո Երևան քաղաքի ավագանու քննարկմանը ներկայացնել այգու բարեկարգման և կանաչապատման համար անհրաժեշտ ծախսերի իրականացման հարցը:

Նախաձեռնության հեղինակ՝

Երևան քաղաքի ավագանու

«Հանրապետական կուսակցություն»

խմբակցության անդամ

Հ. Թոքմաջյան

ՏԵՂԵԿԱՆՔ-ՀԻՄՆԱՎՈՐՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ «ԱՅԳԻ ԲԱՐԵԿԱՐԳԵԼՈՒ ԵՎ ԿԱՆԱԶԱՊԱՏԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ՎԵՐԱԲԵՐՅԱԼ

Հայաստանի Հանրապետության կառավարության «Հողերի նպատակային նշանակությունը փոխելու մասին» 27 ապրիլի 2006 թվականի N 729-Ն որոշմամբ Երևան քաղաքի վարչական տարածքի սահմաններում բնակավայրերի նպատակային նշանակության հողերից, համապատասխանաբար առանձնացվել են տարբեր չափերի մակերեսներով հողատարածքներ և ըստ նպատակային նշանակության դասակարգել, որպես հատուկ պահպանվող տարածքների հողեր: Նոր-Նորք համայնքում առանձնացվել են 120.000 ք.մ. մակերեսով նման հողոտարածքներ, որի մեջ ընդգրկվել է Գայի պողոտայի և Ջրաշխարհի հարևանությամբ տեղակայված զբոսայգու 5,637 հա տարածքը: Նշված այգին այսօր լիարժեք չի ծառայում բնակչության հանգստի կազմակերպմանը և անհրաժեշտություն է այն բարեկարգել, դարձնել բնակչության կողմից պահանջարկ ունեցող հանգստի գոտի:

Այգու վերականգնման և բարեկարգման նախագծա-նախահաշվային փաստաթղթերի մշակումը Երևան քաղաքին նվիրատվության կարգով կկատարվի մինչև 2014 թվականի հունվարի 31-ը: Ըստ նախագծի այգու բարեկարգման ու կանաչապատման իրականացման համար անհրաժեշտ ֆինանսավորումը ենթակա է կարգավորման ՀՀ օրենսդրությամբ սահմանված կարգով:

Երևանի ավագանու կողմից ներկա որոշման նախագիծը ընդունվելու դեպքում մայրաքաղաքում կունենանք ևս մեկ բարեկարգ զբոսայգի բնակչության հանգստի կազմակերպման համար:

**Նախաձեռնության հեղինակ՝
Երևան քաղաքի ավագանու
«Հանրապետական կուսակցություն»
խմբակցության անդամ**

Հ. Թոքմաջյան

ՏԵՂԵԿԱԼՔ

**Երևան քաղաքի ավագանու «Այգի բարեկարգելու և կանաչապատելու մասին»
որոշման նախագծի ընդունման կապակցությամբ Երևանի բյուջեի եկամուտներում և
ծախսերում սպասվելիք փոփոխությունների մասին:**

Երևան քաղաքի ավագանու «Այգի բարեկարգելու և կանաչապատելու մասին»
որոշման նախագծի ընդունման կապակցությամբ Երևանի 2013 թվականի բյուջեի
եկամուտներում և ծախսերում փոփոխություններ չեն կատարվում:

**Նախաձեռնության հեղինակ՝
Երևան քաղաքի ավագանու
«Հանրապետական կուսակցություն»
խմբակցության անդամ**

Հ. Թորմաջյան


ՏԵՂԵԿԱՆՔ

**Երևան քաղաքի ավագանու «Այգի բարեկարգելու և կանաչապատելու մասին»
որոշման նախագծի առնչությամբ այլ իրավական ակտերի ընդունման
անհրաժեշտության կամ բացակայության մասին:**

Երևան քաղաքի ավագանու «Այգի բարեկարգելու և կանաչապատելու մասին»
որոշման նախագծի ընդունմամբ այլ իրավական ակտերի ընդունման կամ այլ
իրավական ակտերում փոփոխություններ և/կամ լրացումներ կատարելու
անհրաժեշտություն չի առաջանում:

**Նախաձեռնության հեղինակ՝
Երևան քաղաքի ավագանու
«Հանրապետական կուսակցություն»
խմբակցության անդամ**

Հ. Թոքմաջյան



65055.0

56730.0